

ÁKVÖRDUN EVRÓPUÞINGSINS OG RÁÐSINS nr. 2045/2002/EB

2005/EES/27/34

frá 21. október 2002

um breytingu á ákvörðun nr. 1720/1999/EB um samþykkt aðgerða og ráðstafana til að tryggja rekstrarsamhæfi og aðgang að samevrópskum netum fyrir rafræn gagnaskipti milli stjórnsýslustofnana (*)

EVROPUÞINGIÐ OG RÁÐ EVRÓPUSAMBANDSINS Hafa,
með hliðsjón af stofnsáttmála Evrópubandalagsins, einkum 156. gr.,

með hliðsjón af tillögu framkvæmdastjórnarinnar ⁽¹⁾,

með hliðsjón af álitum efnahags- og félagsmálanefndarinnar ⁽²⁾,

að höfðu samráði við svæðanefndina,

í samræmi við málsmeðferðina sem mælt er fyrir um í 251. gr. sáttmálans ⁽³⁾,

og að teknu tilliti til eftirfarandi:

- 1) Markmiðið með ákvörðun Evrópuþingsins og ráðsins nr. 1720/1999/EB ⁽⁴⁾ er að Bandalagið nái fram í ríku mæli rekstrarsamhæfi samevrópskra fjarvirkninetna milli aðildarríkjanna og stofnana innan Bandalagsins í því skyni að stuðla að stofnun efnahags- og myntbandalags og hrinda stefnu Bandalagsins í framkvæmd og ná jafnframt fram verulegum ávinningi fyrir stjórnsýslustofnanir aðildarríkjanna og Bandalagið með því að hagræða í rekstri og hraða stofnun nýrra neta og umbótum.
- 2) Ávinningur stjórnsýslustofnana af samevrópskum fjarvirkninetum skal einnig gagnast borgurum og fyrirtækjum í Bandalaginu, einkum á þeim sviðum þar sem það stuðlar að því að markmiðum framtakaverkefnisins rafræn Evrópa og tengdrar aðgerða-áætlunar verði náð, einkum kaflans um hið opinbera á Netinu.
- 3) Taka skal tilhlyðilegt tillit til tilmæla í yfirlýsingunni, sem gefin var út á ráðherraráðstefnu um rafræna stjórnsýslu, „Frá stefnumótun til framkvæmdar“ (From Policy to Practice), sem haldin var í Brussel 29. og 30. nóvember 2001, sem og til ályktana ráðstefnunnar „Rafræn stjórnsýsla í þágu evrópskra borgara og fyrirtækja – hvers er krafist á evrópskum vettvangi“, sem formaður ráðsins og framkvæmdastjórnin (IDA) skipulögðu í sameiningu í Stokk-hólmi/Sandhamn 13. og 14. júní 2001.

4) Að því er varðar útbreiðslu á bestu starfsvenjum skal skipuleggja ráðstefnur, málstofur og annars konar viðburði til að sjá til þess að almennt sé tekið eftir árangri og ávinningi af IDA-verkefnum og -aðgerðum og hvetja til víðtækra umfjöllunar um hvert stefni og um forgangsatríði IDA-áætlunarinnar.

5) Að því er varðar framkvæmd á aðgerðum Bandalagsins sem settar eru fram í 3. til 10. gr. ákvörðunar nr. 1720/1999/EB skal kveðið skýrt á um að nefndarmeðferðin, sem um getur í þeirri ákvörðun, gildir um allar tillögur um aukningu á fjárhagsáætlun sem nemur yfir 250 000 evrum fyrir einstök verkefni á ársgrundvelli.

6) Í kjölfar þess áhuga sem Malta og Tyrkland hafa sýnt, er unnt að bjóða þessum löndum að taka þátt í IDA-áætluninni í þverlægum aðgerðum og ráðstöfunum samkvæmt ákvörðun nr. 1720/1999/EB. Áður en öllum umsóknarlöndum verður boðið að taka þátt í IDA-áætluninni að fullu skal greiða fyrir þeim möguleika að þessi lönd noti almenna þjónustu IDA á eigin kostnað í því skyni að hrinda stefnu Bandalagsins í framkvæmd. Einnig skal gefa öðrum löndum utan Bandalagsins kost á þessum möguleika með sömu skilyrðum.

7) Til að ná auknum sveigjanleika í árlegum fjáruhlutum ber að setja viðmiðunarfjárhæð fyrir framkvæmd aðgerða Bandalagsins samkvæmt ákvörðun nr. 1720/1999/EB fyrir tímabilið 2002 til 2004, þannig að fjárveitingarvaldið samþykki árlegar fjárveitingar innan ramma fjárhagsáætlunarinnar.

8) Samþykkja ber nauðsynlegar ráðstafanir til framkvæmdar þessari ákvörðun í samræmi við ákvörðun ráðsins 1999/468/EB frá 28. júní 1999 um reglur um meðferð framkvæmdavalds sem framkvæmdastjórnin er falið ⁽⁵⁾.

9) Breyta ber ákvörðun 1720/1999/EB til samræmis við það.

(*) Þessi EB-gerð birtist í Stjtið. EB L 316, 20.11.2002, bls. 1. Hennar var getið í ákvörðun sameiginlegu EES-nefndarinnar nr. 86/2003 frá 20. júní 2003 um breytingu á bókun 31 við EES-samninginn, um samvinnu á sérstökum sviðum utan marka fjórþætta frelsisins, sjá *EES-viðbætur við Stjórnartíðindi Evrópusambandsins* nr. 51, 9.10.2003, bls. 29.

⁽¹⁾ Stjtið. EB C 332 E, 27.11.2001, bls. 290.

⁽²⁾ Stjtið. EB C 80, 3.4.2002, bls. 21.

⁽³⁾ Álit Evrópuþingsins frá 11. júní 2002 (hefur enn ekki verið birt í Stjórnartíðindum ESB) og ákvörðun ráðsins frá 23. september 2002.

⁽⁴⁾ Stjtið. EB L 203, 3.8.1999, bls. 9.

⁽⁵⁾ Stjtið. EB L 184, 17.7.1999, bls. 23.

ÁKVÆÐIÐ EFTIRFARANDI:

I. gr.

Eftirfarandi breytingar eru hér með gerðar á ákvörðun nr. 1720/1999/EB:

1. Í 1. mgr. 1. gr.:

a) komi eftirfarandi í stað d-liðar:

„d) að láta ávinning, sem hlýst af slíkum netum og um getur í c-lið, ná til iðnaðar í Bandalaginu og borgara í Evrópusambandinu, einkum á þeim sviðum þar sem það stuðlar að því að markmiðum framtaksverkefnisins rafrænnar Evrópu og tengdrar aðgerðaáætlunar verði náð, einkum kaflans um hið opinbera á Netinu,“

b) eftirfarandi liður bætist við:

„f) að skilgreina og koma á fót, eftir því sem við á, rafrænni, opinberri þjónustu fyrir borgara og fyrirtæki í allri Evrópu og annarri viðeigandi, rafrænni, opinberri þjónustu sem nýta skal í samræmi við forgangsverkefnið sem mælt er fyrir um í 4. gr. ákvörðunar Evrópuþingsins og ráðsins nr. 1719/1999/EB frá 12. júlí 1999 um viðmiðunarreglur um samevrópsk net fyrir rafræn gagnaskipti milli stjórnsýslustofnana, að meðtalinni skilgreiningu verkefna sem þjóna sameiginlegum hagsmunum (*).“

(*) Stjtið. EB L 203, 3.8.1999, bls. 1.“

2. Eftirfarandi málsgrein er felld inn í 3. gr.:

„1a. Til að geta skilgreint, eftir því sem við á, þverlægar aðgerðir og ráðstafanir sem koma skulu til framkvæmda skal framkvæmdastjórnin útbúa lýsingu á grunnvirki sem skal vera vettvangur til þróunar á verkefnum sem varða sameiginlega hagsmuni sem og önnur sviðsnet sem um getur í ákvörðun 1719/1999/EB.“

Grunnvirkið, sem lýst er, skal mynda ramma fyrir rekstrarsamhæfi neta, þjónustu, öryggisþátta, notkunarforrita, efnis og annarra viðeigandi þátta. Það getur einnig falið í sér þætti eins og stjórnun, skipulag, skyldur og kostnaðarskiptingu sem krafist er. Lýsingin skal einnig ná til starfsáætlunar sem nota skal við þróun grunnvirkisins og notkun þess. Lýsingin skal endurskoðuð árlega.“

3. Eftirfarandi málsgrein bætist við í 10. gr.:

„3. Bandalagið skal skipuleggja ráðstefnur, málstofur og annars konar viðburði til að sjá til þess að almennt sé tekið eftir árangri og ávinningi af IDA-verkefnum og -aðgerðum og hvetja til viðtækrar umfjöllunar um hvert stefni og um forgangsatriði IDA-áætlunarinnar.“

4. Í stað 2., 3. og 4. mgr. 11. gr komi eftirfarandi:

„2. Samþykkja ber þann þátt IDA-vinnuáætlunarinnar, sem varðar framkvæmd þessarar ákvörðunar og framkvæmdastjórnin skal taka saman meðan áætlunin varir og endurskoða ber a.m.k. tvisvar ár hvert, í samræmi við

málsmeðferðina sem um getur í 2. mgr. 12. gr. og á grundvelli mats á því hvernig viðeigandi ákvæði 3. til 10. gr. eru haldin.

3. Samþykkja ber sameiginlegar reglur og málsmeðferð, sem lúta að því að koma á rekstrarsamhæfi, tækni- og stjórnsýslulegs eðlis, í samræmi við málsmeðferðina sem um getur í 2. mgr. 12. gr.

4. Málsmeðferðin, sem um getur í 2. mgr. 12. gr., gildir einnig um samþykki sundurliðaðra, árlegra útgjalda samkvæmt fjárhagsáætlun sem þessi ákvörðun fjallar um. Þessi málsmeðferð gildir einnig um tillögur um aukningu á fjárhagsáætlun sem nemur yfir 250 000 evrum fyrir einstök verkefni á ársgrundvelli.“

5. Í stað 12. gr. komi eftirfarandi:

„12. gr.“

Nefnd

1. Framkvæmdastjórnin skal njóta aðstoðar nefndar sem kallast nefndin um fjarvirkni milli stjórnsýslustofnana (TAC) og skipuð er fulltrúum aðildarríkjanna undir formennsku fulltrúa framkvæmdastjórnarinnar.

2. Þegar vísað er til þessarar málsgreinar gilda ákvæði 4. og 7. gr. ákvörðunar ráðsins 1999/468/EB (*) með hliðsjón af ákvæðum 8. gr. hennar.

Tímabilið, sem mælt er fyrir um í 3. mgr. 4. gr. ákvörðunar 1999/468/EB, skal vera þrjú mánuðir.

3. Nefndin um fjarvirkni milli stjórnsýslustofnana setur sér starfsreglur.

4. Framkvæmdastjórnin skal gefa nefndinni um fjarvirkni milli stjórnsýslustofnana árlega skýrslu um framkvæmd þessarar ákvörðunar.

(*) Stjtið. EB L 184, 17.7.1999, bls. 23.“

6. Í stað 14. gr. komi eftirfarandi:

„14. gr.“

Rýmkun sem nær til EES-landa og samstarfslanda

1. Í tengslum við IDA-áætlunina getur EES-löndunum og samstarfslöndunum í Mið- og Austur-Evrópu ásamt Kýpur, Möltu og Tyrklandi verið boðið að taka þátt í þverlægum aðgerðum og ráðstöfunum samkvæmt þessari ákvörðun innan ramma þeirra samninga sem þau hafa við Evrópubandalagið.

2. Jafnhliða framkvæmd þessarar ákvörðunar er hvatt til samstarfs við lönd utan Bandalagsins og alþjóðastofnanir eða -samtök eftir því sem við á.

3. Áður en samstarfslöndum í Mið- og Austur-Evrópu ásamt Kýpur, Möltu og Tyrklandi verður boðið að taka þátt í IDA-áætluninni að fullu er þeim heimilt að nota almenna þjónustu IDA á eigin kostnað í því skyni að hrinda stefnu Bandalagsins í framkvæmd.

4. Öðrum löndum utan Bandalagsins er einnig heimilt að nota almenna þjónustu IDA á eigin kostnað í því skyni að hrinda stefnu Bandalagsins í framkvæmd.“

7. Í stað 15. gr. komi eftirfarandi:

„15. gr.

Viðmiðunarfjárhæð

1. Viðmiðunarfjárhæðin fyrir framkvæmd aðgerða Bandalagsins samkvæmt þessari ákvörðun skal vera 34,2 milljónir evra á tímabilinu 2002 til 2004.

2. Fjárveitingavaldið skal samþykkja árlegar fjárveitingar innan ramma fjárhagsáætlunarinnar.“

2. gr.

Ákvörðun þessi öðlast gildi daginn sem hún birtist í *Stjórnartíðindum Evrópubandalaganna*.

Gjört í Brussel 21. október 2002.

Fyrir hönd Evrópuþingsins,

P. COX

forseti.

Fyrir hönd ráðsins,

P.S. MØLLER

forseti.
